

(nisi forte exemplo Caiaphæ intentionem non habentis, & ipsi prophetent) sed etiam ipso jure & de facto (ut ajunt) præsentio ista evanescit: quia in Novo Testamento unus duntaxat est ἀρχιεπίσκοπον per sanguinem fœderis æterni, qui successorem non agnoscit; sed est Sacerdos secundum ordinem Melchisedech, cujus ἱεροσυνή ἐστιν ἀὐτοῦ βασιλεὺς, hoc est, sine successione Sacerdotium; ut est Hebræ. 7. ψ. 24. & cap. 13. 20.

## CIII.

Itaq; funiculo putri prærogativam successionis suæ ex Petro suspendunt Romani Simones, ac Sinones, cum Pastores & Doctores Ecclesiæ omnes, præsertim, qui post Apostolos mediatè pascunt Ecclesiam, tantum sint Sympresbyteri ac vestes afflictionum Christi & consortes Gloria patefaciendæ, Gregis Dominici curam agentes, non coactè, sed libenter, nec turpis lucri avidi, sed prompto animo, NEC DOMINANTES CLERO, sed ut exemplaria Gregis, ut cū apparuerit pastorum Princeps, reportent immarcescibilem Gloria coronam. 1. Petri. 5. ψ. 1. 2. 3. 4.

## CIII.

Missis igitur Pontificiis, illud arctè teneamus, non minus efficaces fuisse, & esse Mediatoris nostri pro omnibus Credentibus effusas preces, ne deficiat Fides ipsorum, quàm pro Petro. In ò adhuc pro nobis idem ad dexteram DEI propterea interpellat, quia non minus nostra interest, quàm Petri, ne totaliter extinguatur Fides nostra, tum propter reparationem nostri, tum ob consolationem in tentationibus: quo nomine non modò paræneses, increpationes, & comminationes (tanquam conservandæ, nec in totum extinguendæ fidei media) sed etiam amplissimæ præsentissimæq; promissiones de perseverantia in Fide, tum in veteri, tum in novo Testamento nobis proponuntur.

## CV.

Quâ de causâ haud immeritò mirum videri posset, caligare quorundam oculos instar Noctuarum, ad tantam Divinarum promissionum Lucem, super Fide Electorum non proisus abolendâ, nisi dato uno inconvenienti consensu qui plura necesse foret. Nam cum veram justificantem, & salvificam Fidem non solis Electis vendicent, sed etiam Reprobis tribuant, non est mirum errorem errore cumulare, ut non modò finaliter in Reprobis, sed etiã totaliter in Electis Fidem deficere posse statuât.

## CVI.

Sed hac ratione ipsa Electorum Fides eodem modo se haberet, quo τὴν ἀποστολικήν Fides: nec desperationis evitari posset Barathrû (nefas: